

皇  
明  
制  
書

皇明制書

諸司職掌

都察院卷之六

右左都御史副都御史僉都御史職專糾劾百司辯明冤枉提督各道又一應不公不法等事其屬有十二道監察御史凡遇刑名各照道分送問發落其有差委監察御史出巡追同審理刷卷等事各具事目請 旨點差

十二道監察御史照刷卷宗衙門

浙江道

中軍都督府

留守中衛

廣洋衛

府軍左衛

神策衛

應天衛

和陽衛

直隸廬州府

江西道

前軍都督府

府軍前衛

豹韜衛

龍江衛

龍驤衛

天策衛

直隸淮安府

福建道

戶部

金吾後衛

飛熊衛

直隸池州府

常州府

北平道

吏部

金吾前衛

旗手衛

直隸蘇州府

廣西道

通政使司

鎮南衛

五軍斷事官

直隸安慶府

徽州府

四川道

工部

府軍衛

直隸松江府

廣德州

山東道

兵部

羽林右衛

典牧所

直隸鳳陽府

徐州

遼東都司

廣東道

刑部

虎賁左衛

直隸應天府

河南道

禮部 太常司 羽林左衛 國子

監 翰林院 欽天監 光祿司

儀禮司 教坊司 直隸揚州府

陝西道

後軍都督府 江陰衛

蒙古左右衛 府軍後衛

鷹揚衛 興武衛 橫海衛

大理寺 行人司 直隸和州

湖廣道

右軍都督府

武德衛

水軍右衛

廣武衛

虎賁右衛

留守右衛

五城兵馬司

直隸寧國府

山西道

左軍都督府

留守左衛

英武衛

錦衣衛

水軍左衛

驍騎右衛

府軍右衛

龍虎衛

直隸鎮江府

太平府

十二道監察御史職掌

糾劾百司

凡文武大臣果係姦邪小人構黨為非擅作威福紊亂朝政致令

聖澤不宜災異迭見但有見聞不避權貴具奏彈劾

凡百官有司才不勝任猥瑣闖茸善政無聞肆貪壞法者隨即糾劾

凡大小祭祀敢有臨事不恭牲幣不潔



褻瀆神明。有乖典禮。失於舉行。及刑  
餘疾病之人。陪祭執事者。隨即糾劾。  
凡朝會行禮。敢有撓越班次。言語喧譁。  
有失禮儀。及不具服者。隨即糾問。

凡在外有司。擾害良善。貪贓壞法。致令  
田野荒蕪。民人受害。體訪得實。具

奏提問。

凡學術不正之徒。上書陳言。變亂成憲。  
希求進用。或才德無可稱。挺身自拔。

者隨即糾劾以戒奔競。

問擬刑名

凡鼓下或通政司發下告人連狀到院責令供狀明白保管聽候照出狀內被告人數入流官負具呈本院奏

聞提取其軍民人等給批差人提取理對招供明白取訖服辯無招干連隨即保管聽候有罪人數率回監禁追徵所招贓仗完足責令庫子收貯議擬罪

名開寫原發事由問擬招罪照行事  
理徒流遷徙死罪充軍人數具寫奏  
本笞杖以下止具牒文僉押完備連  
囚赴堂備說所犯情節罪名審無異  
詞然後入通將囚押送大理寺審錄  
候平允回報若罪名不當駁回再問  
仍將所駁招罪參詳明白再擬改正  
或有番異則監收聽候調別衙門再  
問其餘審允人數除笞杖徒流徙罪

准工囚人備開年甲住址畧節詔罪  
工役限期呈堂編發工役的決笞杖  
人數畫寫斷單開具合得罪名會請  
刑部等官公同斷決取完僉批單入  
卷其充軍囚人具手本送編軍御史  
處照地方編發取收管附卷絞斬死  
罪仍令司獄司轉送重囚監牢固枷  
扭聽候大理寺依時覆

奏。回報具手本會請刑部等官公同處決。仍

取決訖月日。批單附卷。無招踈放。并  
笞杖的決。還職。着役寧家人數。另具  
公文。差人管送。各該衙門給憑。發回。  
取批收附卷。原收贓仗候季終通類  
具呈本院。出給長單。差委御史解赴  
內府該庫交納。是備取獲庫收附卷。如有追  
無見贓囚人。責供明白。類行原籍追  
徵。及照出合問人數。隨即呈提。前項  
審過囚人。設有病故。請官相視明白。

取獲批單附卷。若干係重囚。牒報大理寺知會。候本宗事完通具結絕緣由。呈堂照驗。餘與刑部同。

### 出巡

凡分巡按治州郡。必須遍歷。不拘限期。風憲官吏務要同行。不許先後相離。其經過去處。除差撥弓兵防護。依律開支廩給。應付脚力。買辦心紅紙劄之外。不許擅令所司和買貨物。私役

夫匠多用鋪陳等項亦不得縱容官吏出郭迎送其分巡地面果係原籍及按臨之人設有讎嫌並宜迴避毋得沾恩報讎朦朧舉問。

凡至按臨處所先將罪囚審錄卷宗吊刷外稍有餘暇首先親詣各處祭祀壇場點其祭器牆宇有無完缺其次存恤孤老審問衣糧曾無支給巡視倉庫查筭錢糧有無虧欠勉勵學校

考課生員有無成效中間但有欺  
即便究問如律。

凡受軍民訴訟審係戶婚田宅鬪毆等  
事必須置立文簿抄寫告詞編成字  
號用印關防立限發與所在有司追  
問明白就便發落具由回報若告本  
縣官吏則發該府若告本府官吏則  
發布政司若告布政司官吏則發按  
察司若告按察司官吏及伸訴各司



官吏枉問刑名等項不許轉委必須  
親問干礙軍民官負隨即奏

聞請

旨亦不得擅自提取。

凡至所在體知有司等官守法奉公庶  
能昭著者隨即舉

奏其姦貪廢事蠹政害民者究問如律。

凡至地方所有合行事件着令首領官  
吏抄案承行。

一科差賦役仰本府凡有一應差役須於黃冊丁糧相應人戶內週而復始從公點差毋得放富差貧那移作弊重擾於民先具見役里長姓名同重并結罪文狀并依牒回報。

一圩岸埧堰陂塘仰行府縣提調官吏查勘築管地而應有圩岸埧堰坍缺陂塘溝渠湧塞務要趁時脩築堅完疏洗流通以儲旱潦毋致失時及因

而擾害於民先具依准回報。

荒閑田土。仰本府正官多方設法。召民開墾。赴時布種。其合納秋糧。須候年限滿日。科徵。毋致拋荒。仍將任內開過田畝數目。同依准繳報。

站驛。仰行提調官。常川整點。各驛般馬鋪陳什物。一切完備。仍鈴束慣熟。稍水人夫。常川在驛聽候。遞送使客。毋得失悞。先見站舡人夫什物馬驛。

頭足數目。并不致違悞。結罪文狀繳報。

一急遞舖。仰行提調官。常川點視。舖舍合用什物完備。嚴督舖長。司兵常川在舖。走遞公文。毋致磨擦。及稽遲沉匿。仍禁約往來差使人員。不得役使弓兵。損壞舖舍。如有缺壞。即便脩理。具各舖司兵如名田糧什物數目回報。

一橋梁道路仰令提調官常加點視。但有損壞去處。即於農閑時月併工脩理。務要堅完。毋致阻礙。經行具依准回報。

一稅糧課程。仰本府即將歲辦稅糧諸色課程。各名數目保結開報。

一戶口仰本府取勘籍定戶口。分豁城市鄉都。舊管收除實在。增減數目。開坐回報。

一學校仰提調官凡遇廟學損壞即為  
脩理完備敦請明師教訓生徒務要  
作養成材以備擢用毋致因循弛廢  
仍將見在師生負名繳報。

一收買軍需等項仰本府照依按月時  
估兩平收買隨即給價毋致虧官損  
民及縱令吏胥里甲舖戶人等因而  
剋落作弊違錯具依准回報。

一額造段疋等物仰本府即將織染局

見在各色人匠機張。歲辦數目。開支  
顏料等物。開坐回報。

一升斗秤尺。仰行提調官照依原降樣  
式較勘均平。毋容嗜利之徒。私自造  
置欺詐小民。具依往回報。

一詞訟。仰本府應有詞訟。疾早從公依  
律歸結。毋得淹延妨廢民生。及聽吏  
胥增減情詞。出入人罪。仍將見問應  
有囚數分豁。已未完結。盡實開報。毋

得隱瞞自取罪愆。具依准回報。

一皂隸弓兵。仰行本府并合屬取勘額設名數籍貫田糧數目開坐。毋得多餘濫設有害於民。具依准回報。

一節義仰本府取勘境內應有孝子順孫義夫節婦。果有志能卓異。明著實跡。結罪舉保。毋得舉富遺貧。影蔽差徇。扶同作弊。具依准回報。

一原設申明旌善亭。但有損壞。仰本府



嚴督所屬即便併工修理。條列榜示。使善惡知所勸懲。毋得視為文具。因而廢弛。先將都隅處所同善惡人數回報。

一印信衙門。仰照勘本府拜所屬應有印信大小衙門。保結回報。

一上年分巡官。有無寄收贓罰。仰本府取勘見數開坐。已未起解數目回報。取勘仰本府將所屬去處。四至八到。

畫圖貼說繳報。

一講讀律令。仰本府拜合屬官吏。須要熟讀詳玩。講明律意。取依准回報。

一鰥寡孤獨。仰本府將所屬養濟院。合支衣糧。依期按月。閔給存卹。養贍毋使失所。仍具孤貧名數。同依牒狀呈一倉庫房屋。仰行本府提調官。常川點視。若有損壞。即便脩理。及設法閔防。斗級人等作弊。仍將見在錢糧等物。

分豁。上年舊管。今歲收除實在。備細  
數目同官吏結罪。文狀繳報。

一官吏脚色。仰取勘本府。并合屬見在  
官吏姓名年甲籍貫歷仕脚色。到任  
月日回報。

### 刷卷

凡監察御史。并按察司分司。巡歷去處  
先行立案。令各該軍民衙門抄案從  
實取勘本衙門。并所屬有印信衙門。

合刷卷宗。分齡已未照刷。已未結絕  
號記張縫依式粘連刷尾。同具點檢  
單目。并官吏不致隱漏結罪文狀。責  
令該吏親齎赴院。以憑逐宗照刷。如  
刷出卷內事無違枉。俱已完結。則批  
以照過。若事已施行。別無違枉。未可  
完結。則批以通照。若事已行可完。則  
批以稽遲。若事以行已完。雖有違枉。  
而無窺避。則批以失錯。若事當行不

行當舉不舉有所窺辟如錢根不追人賊不照之類則批以埋沒各卷內有文卷不立月日顛倒又在乎推究得實隨其情而擬其罪其日照過曰通照曰違錯曰埋沒此皆照駁之總名而照刷之方又各有其法今將六房照刷事例各畧舉於後。

一照刷吏房起取罷閑官吏文卷假如應天府某年月日承奉吏部劄付仰

行所屬應有為事罷閑官員。取勘是  
數一名。名起送聽用。當日立案行移  
上元等幾縣。取勘花名。先申到府。案  
催各縣陸續照依原報名數。申解完  
絕。取獲批收明白卷內行移。又無遲  
錯事理。則測尾批云。照過。設若起解  
未盡。行催不絕。則批通照。其或各縣  
開稱事故。文書到後。或半月或數日  
不行催問。則批云。事屬稽遲。及有先

申某今解某本作某却作某之類則批云事屬差錯如是原申十名已解六名外有四名未解經年歇案不催中間情弊顯然則駁之曰埋沒照刷州縣吏房卷同

一照刷戶房開墾荒田卷假如揚州府承戶部創付仰行所屬應有某開田土召人開墾合納稅糧三年後依例科徵據江都等縣申報人戶姓名開

過田畝數目立案候至年限滿日已  
將起科則例花名田糧數目移付徵  
收秋糧卷收科了當卷內別無稽遲  
差錯事件則批刷尾云照過設若年  
限未滿申報未絕則批通照其或各  
縣申稱新收開墾先具人戶花名到  
府遷延三五日或數十日不行立案  
行催開過田數則批云事屬稽遲其  
有原開頃畝該科秋糧十石却作千



石之類則批差錯至於原申開過田  
土比候年限已滿或逾年不行收科  
或將原報頃畝減多作少其弊顯然  
則當駁之以埋沒照刷州縣戶房卷  
同

一照刷禮房買辦祭祀猪羊果品香燭  
等項文卷先看何年月日承奉禮部  
劄付開到本府合該祭祀社稷先聖  
先賢及風雲雷雨山川無祀鬼神等

壇若干處。每壇計用猪若干。羊若干。果品香燭等項若干。其價照依本處時估對物收買。仰於官鈔內放支。當日立案。定限行移所屬州縣收買。要見回報。是何行人物戶時估及差委何官。眼同收買送官應用。仍查筭原估與收買價鈔相同。已用與原買之數無異。俱有行人物戶領狀在卷。祭祀已畢。事無施行。則批以照過。若或

已買在官。祭祀日期未臨。雖皆有發付收領明白。事無施行。則批以通照。其或經違日久。纔方立案行移。祭期將臨。其收買猪羊等項。尚有未備。顯是怠慢。則批以事屬稽遲。若或分派各行人物戶所買品數皆同。而價鈔不一。且如春丁祭先師孔子。該猪六口。每口價鈔二百貫。却共作一千二百五十貫。附卷及查行人物戶領狀。

實領一千二百貫并附放支官錢卷  
內亦止一千二百貫既已明白別無  
窺避則批以事屬差錯其或猪羊等  
項已備祭祀以畢但不見所用過鈔  
貫花銷不見是何行人物戶收領價  
鈔及有無餘下物件未用責付何人  
收領朦朧不明顯有窺避則批以事  
屬埋沒照刷州縣禮房卷同

一照刷兵房勾補軍役文卷先看本府

何年月日。承奉兵部劄付。或都司布政司各衛公文。坐勾補役軍丁若干名。若當日立案行移。各該州縣立定期限解府。各該州縣照依坐下名數。隨即解到卷內。見在原獲。合于上司實收事無施行。則於刷尾批以照過。若於當日立案。照依名數行下。各該州縣或全不解到。已經節次移文催併。差人坐守起解。雖已盡絕。如無實

收則批以通照。又或經違三五日。甚至十數日。纔方立案行移。雖各該州縣依數起解。未見實收。則批事屬稽遲。若行移不遲。名數不缺。中間原坐張某今解李某案內不見審實緣由。及駁問所司官吏雖有實收。則亦批事屬差錯。其或已承上司明文。雖已立案。經年不見催舉。間或行移如勾十名。止解到五六名。已解到者不見。

實收未解者又不舉問。顯有窺避。則批曰事屬埋沒。照刷州縣兵房卷同。一照刷刑房貪贓壞法文卷。先看本府何年月日。據某人所告詞狀。當日曾無立案。將本人引審。或監或保。若監收原告。要見為何緣故。明白立案。取具司獄司收管在卷。若或保在原告。要見立案。批差皂隸取獲保狀。附卷其狀內合問人犯。查照曾無立案。分

訟被告干連着該所司提解其或實  
日立案差人定限分豁被告干連着  
落所司提解又當看本府何年月日  
據所司依期解到坐提人數要見當  
日立案將各人引問責與原告對理  
且如甲告乙受丙贓五十貫乙招如  
告又告丁贓四十貫丁供明白甲自  
招虛又當看甲乙丙之招詞丁之供  
狀同甲乙丙之服辯曾無題押人卷



乙招贓鈔。曾無立案追徵。既已追徵。曾無納足。有無該庫收貯領狀。又看有無立案引律擬罪。發落。又於發落案內。先看原發事由。中間曾無增減原狀。緊關情節。查比解到月日。有無淹禁。次於問擬招罪項下。詳看乙所招受贓情節。比甲所告是否同異。却於前件議得項下參詳。甲乙丙之罪名。比律允當。丁無招涉。依例疎放人。

於照行事理要見准工者差人起解  
的決者立案摘斷免科者踈放寧家  
追足乙名下招受贓釵責令該庫收  
貯取獲領狀在卷如原發事由內無  
增減原狀緊關情節問擬招罪內無  
故失出入人罪前件議得下北照律  
條所擬允當照行事理內無人贓埋  
沒之弊俱已完結事無施行則批以  
照過若或已提未到人數累催不到

原追贓鈔。催促未足。則批以通照。其  
或受狀不即立案。已經數日。方纔施  
行。以致提人未到。則批曰事屬稽遲。  
若案內字樣不同。粘連顛倒。以致月  
日參差。官不題押。吏不書名之類。事  
已完結。而無窺避。則批事屬差錯。若  
或囚人招出人贓。照行事理。內不照  
追提。以致經年不行。顯有窺避。則批  
曰事屬埋沒。照刷州縣刑房卷同。

一照刷工房。成造船隻文卷。先看何年  
月日承奉工部劄付。坐下本府該造  
船若干隻。每隻計用丁線大小不等  
若干斤。桐油若干斤。麻穰若干斤。其  
價照依時直對物收買。抑於官錢內  
放支。合用木植着落人夫採斫。當日  
立案定限。行移所屬州縣起集人夫  
採辦木植。要見回報。起到人夫若干  
名。并所詣處所及已收買丁線等物。

時價差委何人帶領各匠若干名。前來場所興造。次將引各行具領收支鈔。依數收買物料。成造船隻。查筭原估與收買價鈔相同。已用與原計物料無異。船隻已起限期不違。事無別行。俱有各行收買物料領狀在卷。則批以照過。若或行移不逞。興工不後。物料不缺。人匠不少。支用物料未盡。原定限期不違。船隻未起。事有施行。

則批以通照其或經違數日纔方立  
案行移其所属州縣合辦物料人匠  
雖已不缺而船隻亦起終是怠慢則  
批云事屬稽遲着該派料或多或少  
用工或衆或寡且如每船合辦五寸  
丁線二百斤却買二百五十斤合辦  
三寸丁線三百斤却買二百五十斤  
之類以致船隻未起又違限期中間  
收買價鈔並無剋落查考各行領狀

在卷文案明白別無窺避則批事屬  
違錯其或船隻已完不見各船已用  
物料花銷餘下丁線等物不見責令  
是何庫分收貯原計料數多已收買  
數少顯有窺避則批云事屬埋沒照  
刷州縣工房卷同。

追問

凡在外軍民人等赴京或擊

登聞鼓或通政司投狀陳告一應不公冤誣

等事。欽差監察御史出巡追問照出  
合問。流品官負就便請。

旨。鞫問帶同原告一到追問處所。着令原告  
供報被告干連人姓名住址立案。令  
所在官司抄案提人。案驗後仍要抄  
行該吏書名畫字。如後呈解原提被  
告人到不許停滯。即於來解內立案。  
將原被當官引問。取訖招供。服辯判  
押入卷。明立文案。開具原發事由問。



擬招罪。照行事理。除無招答杖輕罪。就彼摘斷。徒流死罪人卷帶回審。擬奏。

聞族落絲並與問換刑名相同。

### 審錄

凡在外布政司按察司都司并直隸府。刑刑名有犯死罪。囚人收監在彼。止開招罪申達合干上司詳擬允當。移文本院通類具。

奏點差監察御史會同刑部委官按臨審決  
其到所在官司隨即令首領官吏抄  
案各該衙門追吊原行文卷赴官叅  
詳招罪果無出入及審取犯人服辯  
無異就令所司抄案差委獄卒將犯  
人押赴法場各照原擬處決將原  
吊卷宗發還該衙門收照却行具本  
開坐決過犯人花名回奏仍呈原委  
官司知會若囚人番異原招即合辨

理重提一千人証到官。從公對問。明白帶回。審錄發落。其原問官吏。果有受贓出入人罪情弊。通行具

奏等問。

政司

本司官職專出納

帝命通達下情。關防諸司出入公文。奏報四方。臣民實封建言。陳情伸訴。及軍情。穀息災異等事。

出納

帝命

凡有

帝命。必當詳審。覆奏。允當。然後施行。

通達下情

凡有四方陳情建言伸訴冤枉民間疾苦善惡等事知必隨即奏

聞及告不法不公等事重者於底簿內騰寫所告緣由賡狀奏

聞仍將所奉

旨意於上批寫送該科給事中轉令該衙門抄行常事者另置底簿將文狀編號用使閔防明立前件連人狀送當該

衙門整理月終奏繳底簿送該科督併承行衙門回銷。

### 開拆實封

凡天下臣民實封入遞或人贖到司。須於公廳眼同開拆。仔細檢看。事干軍情機密。調撥軍馬。及外國來降進貢。方物。急缺官員。提問軍職。有司官員。并請

旨定奪事務。即於底簿內。謄寫略節緣由。當

將原來實封

御前陳奏畢。就於奏本後批寫

旨意。送該科給事中收轉。令該衙門抄出施行。其進繳稅糧文冊。勘合通關起解軍囚等項。附簿明白。止送該科收。不須入奏。

關防諸司公文勘合

本司置立出入文簿。令各房令典分掌。凡內外衙門公文到司。必須辨驗。允當。

隨即於簿內編號。注寫某衙門行某處為某事。公文用日照之記勘合。用驗正之記。關防畢。令繕兵於文簿內。書名畫字遞送。若行移不當及違式。差錯洗補。互相推調等項。事理重者。入奏區處。常事照依欽定事例。在外貼送。當該衙門如律。在京衙門退回改正。將發過公文并差錯件數。月終類奏文簿繳進。若各處公文事干軍



情災異機密重事。隨即入奏。送該科給事中收。如呈稟五軍六部。都察院等衙門公文緊要者。入奏仍用欽降勘合。用使本衙門印信。云寫

旨意貼送當該衙門。覆奏施行。若誤遞到有施行者。奏訖亦貼送當該衙門。無施行者。亦入奏。送該科給事中收照。

月奏

凡本司發過五軍六部。都察院及內外

諸司衙門公文并照駁各衙門差錯  
公文實封等件及行移勘合原告文  
狀拏人起數給由人負每月類奏年  
終通行類數開奏

# 大理寺

本寺官其所屬左右二寺官職專審錄天下刑名。凡罪有出入者。依律照駁。事有冤枉者。推情辯明。務必刑歸有罪。不陷無辜。

## 審錄囚人參詳罪名

凡刑部十二部。都察院十二道。五軍都督府。斷事官五司。問擬一應囚人犯該死罪徒流者。具寫奏本發審。答杖

罪名者行移公文發審另行入遞預  
先差人連案同囚送發到寺照依該  
管地方先從左右寺審錄若審得囚  
無冤枉者取訖各囚服辯在官案呈  
本寺連囚引領赴堂圓審無異取據  
原問衙門司獄司印信收管入卷將  
囚連案責付原押人收領回監聽候  
發落候遞到各項奏本公文到寺將  
奏本抄白立案務要仔細叅詳情犯

罪名比照律條。如罪名合律者。雖  
本寺依式具本。同將原來奏本繳送。  
該科給事中編號收掌。然後印押平  
允。回報原衙門。如依施行。如罪名不  
合律者。依律照駁。亦依式具本。將原  
來奏本。繳送該科收編。駁回原衙門。  
再擬。如二次改擬。不當。仍前駁回。議  
擬。候三次改擬。不當。照例。將當該官  
吏具奏送問。或中間招情有未明者。

必須駁回再問。若公文不必抄白。就  
即立案。其衆詳罪名。准擬合律。照駁  
不合律。及送問等項。並如前行。若審  
得囚人告訴冤枉。果有明白證佐。取  
責所訴詞狀。案呈本寺。連囚引領赴  
堂圓審相同。將囚連案依前發回原  
問衙門聽候發落。奏本公文到寺。將  
原來奏本依式具本如前繳送該科。  
公文止留本寺立案。然後仰令左右

寺抄案備開囚人供詞行移隔別衙門再問若二次審異者再取本囚供狀在官照例具奏會同六部都察院通政司等衙門堂上圓審回奏施行

合律照駁式

大理寺卿臣某等謹

奏為李甲告不應事。刑部某部問擬李甲等一十六名數內合律一十五名不合律張丙一名有照駁謹具

奏

聞

一照駁

前件本寺照律張丙合得計贓。往竊盜一貫之上。律杖七十。罪無出入。其刑部某部却依不應律。笞四十。未審故失已出。張丙杖罪三十。所據不當。官吏除尚書某侍郎某取自

上裁其子部某部官吏某人。合送法司問罪。



仍令改正。

一准擬

事內干連人工乙等合得笞罪十名。  
陳丁等合得杖罪四名。李甲一名無  
罪釋放。

洪武 年 月 日

審異式

大理寺卿臣某等謹

奏為某事某衙門問擬某人一名審問審

異原招罪囚合隔別衙門再問謹具  
奏

聞

洪武年 月 日

次審異式

大理寺卿臣某等謹

奏為某事某衙門問擬某人等二名除審  
擬允當外數內某人一名先為某衙  
門具本發審若係公文者則本囚告

訴冤枉。取責供詞在官。已經照例行  
移。隔別衙門再問去後。今據某衙門  
癸審。仍前執稱冤枉。除再取供詞在  
官外。本因合照例會各衙門堂上官  
圖審。謹具奏

聞

准擬某人合得其罪一名

洪武 年 月 日

請

旨發落

凡律內該載請

旨發落者本寺具本開寫犯由罪名奏

聞取自

上裁即將奉到

旨意於奏本年月後批寫訖就寫某官批於

下押字其餘有奉

旨意者亦同此批寫訖回寺立案備云前項  
旨意於平允內開寫回報於各衙門施行

詳擬罪名

凡在外都司布政司按察司并直隸衛所府州一應刑名問擬完備將犯人就彼監收具由申達合于上司都司并衛所申都督府布政司并直隸府州申呈刑部按察司呈都察院其各衙門備開招罪轉行到寺詳擬凡罪名合律者回報如擬施行內有犯該重刑本寺奏

聞回報不合律者駁回再擬。中間或有招詞  
事情含糊不明者駁回再問。

月報囚數

凡本寺每月審過刑部等衙門一應囚  
數分豁死罪徒流杖笞等項罪名置  
立印信文冊。着令架閣庫典史日逐  
明白附寫。候至月終通類具本奏

聞。

處決重囚

凡本寺審過刑部寺衙門死罪囚人犯  
該十惡決不待時者每月具本覆奏  
聞訖移文回報各該衙門處決不係十惡者  
待秋分後覆奏處決。

軍都督府斷事官

斷事官左右斷事官。職專總督左右中前後五司官。問斷五軍所轄。都司衛所軍官軍人刑名。其五司官稽仁稽義稽禮稽智稽信。則分問各司該管地方。都司衛所問名等事。

左右中前後五司

問擬刑名

凡奉五軍都督府劄付發下犯人若干



名到廳。連案送該司承行。該司隨即立案。將送到一千人證當官引問對證明白取訖。各人親書招供服辨在官。如囚別無冤枉。依律定擬罪名具本備云。原發事由問擬招罪。前件議得照行事理。官吏僉書完備。引囚赴廳。圖籍無異。將奏本連囚牒繳大理寺審錄。候本寺將各囚審錄無冤。比律允當。勘合平允回報。該司照依擬

定罪名發落。如囚犯該死罪者發下  
司獄司牢固監收。聽候處決。犯該徒  
流者照例送工部轉發工役。犯該杖  
笞合決斷者具手本會請監察御史  
刑部大理寺等衙門官公同斷決。供  
證明白無罪者軍送該府轉發屬衛  
管役民送兵部給引寧家。本宗事內  
或有照出合問軍官呈廳具奏請

直行移該府提取。如干問有司入流官負亦

須具奏請

旨行移兵部提取發問歸結。若有干問衛所  
令典旗軍及衛司令典民人不須具  
奏。就行該府兵部提發歸結。

起解贓罰

凡各司問過犯人所受贓物。或金或銀  
或錢鈔段疋等件。照數於犯人名下  
追足。責付庫子下庫收貯。按季各司  
關官一員點開辯驗無偽。細開各起

犯人原受金銀鈔段等件具呈本廳  
備呈該府出給長單責令原管官員  
并經手庫子進赴

內府贓罰庫交納足備取獲實收附卷存照  
月報軍官

凡各司見行監問為事軍官每月初旬  
分豁某衛指揮千百戶衛所鎮撫為  
某事某年月日入監逐一開呈本廳  
備呈該府以憑具

奏

處決重囚

凡各司問過重囚除十惡決不待時外  
有該秋後處決者發下司獄司牢固  
監收候大理寺秋分後覆奏

聞訖四報各司即將合決犯人押赴法場仍  
具手本會請監察御史刑部大理寺  
等衙門官公同處決批廻附卷

詳擬罪名

凡各都司據各斷事官問擬犯人招罪  
明白備呈該府定奪各府連呈判送  
五軍斷事官叅詳擬本廳連案送該  
司承行該司隨即抄案所問招詞或  
原擬笞杖徒流絞斬罪名比律允當  
具本備開原發事由問擬招罪照行  
事理牒繳大理寺覆擬候平允回報  
到司連案繳呈本廳具呈該府轉行  
各都司如擬施行。

雜行

工役囚人

凡各司問擬囚人犯該管杖徒流徒工者。開坐招犯具呈本廳編立字號造冊二本。一本進繳

內府工科一本。連囚牒發工部轉發工役候工滿。本部仍將各囚送回本廳查照原擬工限相同扣算工程無欠明白具手本赴工科於進繳字號冊內消

訖原號就將囚人引赴

承天門叩頭踈放。

官吏俸給

凡五司并司獄司官吏俸給按月初旬呈申到廳同將本廳官吏俸給通行造冊一本備開官吏姓名合得俸糧數目牒繳吏部主事廳照數放支本廳仍出印信俸帖差人賁領前去吏部倉依數關支施行。



公用紙劄

凡本廳并五司合用紙劄於官收贓罰鈔內關支差官一頁照依按月時估價值兩平收買於各宗卷內銷用仍將用過紙數盡實花銷明白附卷。

牢獄

司獄司額設司獄二員專一監收五司見問囚人驗罪輕重如法枷鎖按月五司輪委官一員親臨提調其監

禁事理。並與刑部同。

分問衙門

左司

在京

驍騎右衛

英武衛

鎮南衛

龍虎衛

留守左衛

水軍左衛

瀋陽左衛

瀋陽右衛

府軍左衛

羽林左衛

在外

浙江都司 山東都司 遼東都司

左司

府軍右衛 水軍右衛 留守右衛

虎賁右衛 廣武衛 武德衛

在外

陝西都司 四川都司 廣西都司

貴州都司 雲南都司

中司

在京

旗手行

和陽衛

廣洋衛

留守右衛

牧馬所

神策衛

應天衛

府軍衛

虎賁左衛

在外

直隸衛所

河南都司

前司

在京

豹韜衛

龍江衛

飛龍衛

金吾前衛

府軍前衛

天策衛

龍驤衛

在外

湖廣都司

江西都司

廣東都司

福建都司

福建行都司

後司

在京

錦衣衛

興武衛

金吾後衛

府軍後衛

橫海衛

鷹揚衛

江陰衛

蒙古右衛

留守後衛

蒙古左衛

在外

北平都司

北平行都司

山西都司

山西行都司

都通大職掌卷之六終